

# Ben o fumana motswalle e motjha



Pam, Lebo le Ben ntja, ba a  
ithapolla.

Kajeno Ben e sele. E a baleha.

Pam le Lebo ba matha ka morao  
ho yona "Kgutla Ben!"  
Lebo o a bitsa.






Ben e mathela leboteng le  
pakeng.

E nkga eng leboteng? Na ke  
bolo e botala le bokgubedu?

Hau! Hau! Hau!



Pam o a botsa, "O fumane eng,  
Ben?"

Na ke lesapo le leholo?  
E ka ba khouno?

Hau! Hau! Hau!






Pam le Lebo ba latela Ben ho  
ya pakeng.

Kwaa! Kwaa! Kwaa!

Kgele! Ke ledinyane la letata  
le lesehla.

Ledinyane la letata.

Bananyana ba tsamaya butle  
ho ya ho ledinyane la letata le  
lesehla.







"Na o lahlehile ledinyane la  
letata le lesehla? Re o ise  
letangwaneng?" ho rialo Pam

Ben e qala ho boholia.  
Hau! Hau! Hau!

"Tjhee Ben!" Se ka boholia  
ledinyane la letata le lesehla."  
Ho rialo Lebo.

"Ledinyane la letata le lesehla le a  
tshaba."



Pam le Lebo ba isa ledinyane la  
letata letangwaneng.

"Ntatao le mmao ke bana.  
Bona banabeno ba sesa ka  
letangwaneng" ho rialo Pam.

Kwaa! Kwaa! Kwaa!



"Ekare re ka be re isa ledinyane la letata hae," ho rialo Pam.

Ledinyane la letata le lesehla la sesetsa hole.

"Ke nahana hore ledinyane la letata le batla ho dula le lelapa la lona," ho rialo Lebo.

Kwaal! Kwaal! Kwaal!




Ben e bona ledinyane la letata  
le sesa ka letangwaneng. Ben le  
yona e ipetsetsa ka letangwaneng.

Phaqa! Phaqa! Phaqa!

"Tjhee Ben! O ntja e seleng.  
Tswa!" ho rialo Pam.





Ben ya tswa ka letangwaneng.  
Ya itsokotsa hore e ome. " Tjhee  
Ben! Jwale ke kolobile hohle.  
Ha re ye hae" ho rialo Lebo.

Ben ya sadisa motswalle wa yona e  
motjha.

Hau! Hau! Hau!

**Hlokomelang** diruuwa  
**tsa lona!**





# Binang!

## Na le bone madinyane a matata?

Na le bone madinyane a matata

A sesa ka metsing?

Mme, ntate, bana

Nkgono le moradi.



Na le bone a sunya melomo metsing

A sesa ka metsing?

Mme, ntate, bana

Nkgono le moradi.



Na le bone a phekotsa mapheo

A sesa ka metsing?

Mme, ntate, bana

Nkgono le moradi.





## Ka matata

Matata a amana le makgansi, makau,  
dipidipidi le dikgwale.

A na le melomo e tshwanang.

Mapheo a wona ha a thapiswe ke metsi.

A matshehadi a bitswa dithole mme a  
matona a bitswa mekoko. Bana bona ba  
bitswa modinyana a matata.






# Mesebetsi ya ho bala ka dihlopha



1

Tadima ditshwantsho tse ka tlase. Bolella motswalle wa hao hore ho etsahalang setshwantshong ka seng. Bolella motswalle wa hao hore ditshwantsho di lokela ho hlahlamana jwang. Qoqela motswalle wa hao pale o sebedisa ditshwantsho.



2

Tshwantshisa pale.



3

Araba dipotso tse latelang ka molomo.


- Sehlooho sa pale ke eng?
- Baphethwa ba sehlooho ke bomang paleng?
- Pam le Lebo ba fumane batswadi ba ledinyane la letata le lesehla kae?



- d. Na o nahana hore Ben le ledinyana la letata le lesehla ba tla tswella ho ba metswall? Hobaneng o realo?
- e. Fana ka lebaka.



Bolella motswalle wa hao hore ditshwantsho di nepana jwang le mantswe. Bala polelo e napanang le setshwantsho le lentswe.



lesapo
Ben
bolo
mohala
letata

Ke lesapo le leholo?

Ke bolo e botala le bokgubedu.

Na o bona ledinyane la letata le lesehla?

Ben ke ntja ya Pam le Lebo.

Na e ka ba mohala?



5

Balla motswalle wa hao dipolelo. Sebedisa mantswe le ditshwantsho ho o thusa ho qetela dipolelo. Jwale di ngole bukeng ya hao ya ho ngolla.

Ben	letangwana	ledinyana la letata	nonyana
mohlala: 	<u>Nonyana</u> e bina sefateng.		
	Pam le _____ ba a ithapolla.		
	Ben o bona ledinyane la letata le lesehla _____.		
	Pam le Lebo ba isa letatana _____.		



6

Kopolla polelo e le nngwe ho tswa paleng bukeng ya hao ya ho ngolla. Taka setshwantsho se dumellanang le polelo ya hao.